

KUO MA'U 'A E FA'AHINGA LANGO KO E TAU' 'I HOMOU FEITU'U'

Te ke lava 'o tokoni ke ta'ofi 'ene mafola' – 'oua 'e fe'aveaki holo ha fua'i'akau pe vesitapolo mei' ho 'api'

TOKONI KE TA'OFI 'A E MAFOLA 'A E LANGO TAU'

'Oku lolotonga fakatoto'lo'i 'e he Potungāue ki he Ngaahi Ngāue'anga ki he Ngaahi Koloa Fakaenatula' (Ministry for Primary Industries pe MPI) ha lango Tau 'a ia kuo ma'u 'i homou feitu'u'.

'E ala maumau'i 'e he lango Tau' 'a e fua'i'akau mo e vesitapolo 'i he fonua' 'o ta'ofi ai hano uta atu 'e Nu'u Sila ha ni'ihi 'o e ngaahi koloa' ni ki muli.

'I he kei ngāue ko eni 'a e MPI ke 'ilo pe 'oku toe 'i ai ha lango Tau 'i he feitu'u' ni, 'oku mau fiema'u ho'omou tokoni' ke vakai pe 'oku kei 'i ai ha lango 'i heni, pea 'oku 'ikai ke ke fe'aveaki holo ia ki ha ngaahi feitu'u fo'ou 'o 'ikai ha'o 'ilo ki ai.

KĀTAKI KAE 'OUA 'E FE'AVEAKI HOLO HA FUA'I'AKAU PE VESITAPOLO MEI' HO 'API'

Kātaki 'o 'oua 'e fe'aveaki holo ha fua'i'akau, vesitapolo pe ko ha kili'i'akau pe keikeinanga fua'i'akau pe vesitapolo, pe ko ha veve mei ho'o ngoue' ('o hangē ko ha veve 'akau, fua'i'akau kuo ta'e'aonga pea mo e keikeinanga) mei' ho 'api'.

'Oku mahu'inga mavahe ke 'oua na'a 'ave mei' ho 'api' ha fua 'o ha 'akau pe vesitapolo na'a' ke tō 'i ho 'api' kae'oua kuo toki fakahā atu.

Neongo ko 'emau faka'amu' ia ke 'oua 'e hoko, kae kapau kuo pau pē ia ke 'oatu ha fua'i'akau pe vesitapolo mei' ho 'api', 'o hangē nai 'i ha me'atokoni ho'atā, kātaki 'o 'ave pē 'a e fua'i'akau pe vesitapolo na'e fakatau mei' he falekoloa' kae 'ikai ko ia na'e toli pe ta'aki mei' ha 'akau pe vesitapolo 'i ho 'api'.

KO E HĀ 'A E HOKO ATU?

'E vave' ni pē hano tuku atu ha fakamatala (kapau kuo te'eki fakahoko 'eni) 'i he uepisaiti 'a e MPI

www.mpi.govt.nz/tau-fly.

Toutou vakai'i 'a e uepisaiti' ni ki he ngaahi ongoongo fakamuimitaha'. 'E 'oatu foki mo e ngaahi ongoongo fakamuimitaha' 'i he ngaahi ma'u'anga ongoongo'.

'E ala fiema'u ke a'u tonu atu ha 'ofisa 'inispēkita 'a e MPI 'o vakai'i ho'o ngoue' ki ha ngaahi faka'ilonga pe 'oku 'i ai 'a e lango Tau'.

Te ne tokanga mavahe ki ha'o ngoue vesitapolo pe ngaahi kapa veve. 'E lava foki ke ne kole atu ke fokotu'u ha ki'i tauhele 'i ho'o ngoue' ke tauhele'i'aki 'a e lango Tau'. ('Oku 'ikai fakatu'utāmaki 'eni ia ki ha'o fanga monumanu tauhi pea mo ho'o fānau').

Kapau 'oku ofi 'aupito ho 'api' ki he feitu'u na'e ma'u ai 'a e lango Tau', 'e ala 'oatu ha'o kapa veve fakave'eteka ke tānaki malu ai 'a ho'o ngaahi keikeinanga fua'i'akau', vesitapolo' pea mo e veve 'akau mei ho'o ngoue'.

Kapau 'oku' ke nofo 'i he feitu'u 'oku tokangaekina mavahe koe'uhi' ko e lango Tau', 'e 'i ai 'a e ngaahi kapa veve 'e fokotu'u 'i he ngaahi tu'u'anga 'e faingofua ki hono laku ki ai 'a ho'o veve'.

Kapau 'e fiema'u ke ke talanoa mo ha taha felāve'i mo 'eni, telefoni ki he MPI 'i he **Telefoni ta'etotongi ko e 0800 80 99 66**

KO E 'UHINGA 'OKU MĀTU'AKI MAHU'IINGA AI 'ENI'

Kapau 'e faifai 'o 'ilo 'oku toe lahi ange 'a e lango 'oku ma'u 'i homou feitu'u', pea kuo nau mafola atu mei ai 'o fou 'i he fua'i'akau' mo e vesitapolo', 'e toe faingata'a ange 'a hono kumi mo faka'auha kinautolu'.

FAKAMĀLŌ ATU 'I HO'O TOKONI'.